



**M**Einulphus ex illustri familia apud Saxones natus fuit. Itaque Carolus Magnus eum è sacro fonte leuauit, atque Vlsuoſsum dixit. Cum autem huius mater Vichtrudis uidua facta, aliud matrimonium respueret, atque à Cæsare petiſſet, ut se cum filio in tutelam acciperet, Carolus conſenſit, & summa æquitate præstitit. Itaque Carolus puerum educauit, atque honesto loco apud se habuit. Erat is Carolo ante alios charissimus. Vnde eum semper apud se habuit, atque uocando, Mein Vlph, Mein Vlphi adſis, exclamauit. Vnde is postea Meinulphus dictus fuit. Erat is sanctis moribus & ingenio foelici

præditus. Itaque in Paderborn Archidiaconus electus fuit. Cum autem amplissimas opes haberet, & hærede careret, nobile uirginum monasterium in Bodicon ædificauit, atque multis prædijs exornauit, Anno Christi octingentesimo tricesimo. Tandem mortuus, & in Paderbornensi Ecclesia sepultus fuit. Verùm Piſo quartus eius loci præfectus effecit, ut is canonizatus inter sanctos referretur. Vnde eius corpus magna ſolemnitate effoſsum, & in monasterium Bodicon transfatum fuit. Anon. Crantz.